



MAHINGA KAI

PAERewa 25473 (Taura 5)

Te whakarite, te whakamahi me te arotake i te whakatō tipu e ai ki ngā tikanga a te tāngata whenua.

(Kaupae 3, whiwhinga 10)

PUKAPUKA ĀKONGA



Ingoa

Te Kura

Kaiako/Kaiaromatawai

NSN Nama

Tēnā koe

Anei tō pukapuka aromatawai mō te Paerewa Ahuwhenua 25473: *Te whakarite, te whakamahi me te arotake i te whakatō tipu e ai ki ngā tikanga o te mana whenua*

Paearu aromatawai

Paetae

E WHĀ (4) ngā tūmahi aromatawai mō tēnei paerewa hei whakaoti tika i a koe. Me whakatutuki i ngā herenga katoa o ngā tūmahi kia whiwhi ai i te paerewa nei.

Ngā tohutohu

Kia tutuki ai i te paerewa nei:

- me whakarite mahere mō te whakatō tipu
- me whakatika i te māra whakatō tipu
- me whakamahi i te whakatō tipu me te tiaki tahi i te māra, i ngā tipu katoa hoki
- me tuhi pūrongo arotake e ai ki te puāwaitanga o ngā tipu.

Mēnā kua whakaoti i a koe te Paerewa Ahuwhenua 25469, e taea ai e koe, e te whānau/hapū/hapori te kōwhiri tipu i te pukapuka aratohu.

Ngā herenga

- Mā kōrua anō ko tō kaiako/kaiaromātai e āta whakatau i ngā tikanga kia whiwhi ai tēnei paerewa (arā te wā oti, ngā mahi whakarite, te mahi aromatawai ā-mua, ā-waenga, ā-muri hoki me te aromātauria).
- Mā kōrua anō ko tō kaiako/kaiaromātai e whiri kōrero e ai ki āu mahi whakaatu me āu rauemi hoki ka whakamahia (tae atu rā ki te whānau, ki te marae, ki ngā whare taonga, ki ngā pukapuka o nehe; ki ngā tānga kōrero o te kōhi, tae noa rā ki te whakamahi rorohiko, kāmera, ipurangi rānei)

Ngā Rauemi

- Ngā tānga kōrero a te kaiaromātai/kaiako, ngā kāmera mō ngā whakaahua, ngā kōnae hei kohikohi kōrero.

Te whakarite tohutoro

Kau e wareware ki te whakatakoto tika i ngā tohutoro mō te tūmahi aromatawai nei. Me kōrero ki tō kaiaromātai/kaiako e ai ki ngā tauira tohutoro e whai ake ana.

NGĀ TAUIRA TOHUTORO:

1 He pukapuka (kotahi noa te kaituhi)

King, M. (2000). *Wrestling with the angel: A life of Janet Frame*. Auckland, New Zealand: Viking.

2 He tānga kōrero o te akoranga, o te kauwhau (ā-hiko)

Archard, S., Merry, R., & Nicholson, C. (2011). Karakia and waiata [PowerPoint slides]. Retrieved from TEPS757-11B (NET): Communities of Learners website: <http://elearn.waikato.ac.nz/mod/resource/view.php?id=174650>.

3 He kiriata

Māori Television (Producer). (2016). Iwi Anthems, Series 2 Episode 5 [video file]. Retrieved from: <http://www.maoritelevision.com/tv/shows/iwi-anthems/S02E005/iwi-anthems-series-2-episode-5>.

4 He mōheni/niupepa – puta maha/māwhiti/pūrongo

Fox, D. (2015, 15 September). Viewpoint: Not one more acre. *Mana*. Retrieved from: <http://www.mana.co.nz/heritage/viewpoint.html>.

5 Ngā whakapānga tāngata (ā-reta, ā-waea, ā-īmēra, ā-uiui, ā-hui) ehara i te mea ka whakarārangihia (kua kore anō e tiki); heoti me pēnei mō te whakarārangī i roto i te tuhinga.

J. Jackson, personal communication, March 12, 2011.

6 Te paetuku o te ipurangi

New Zealand Trade and Enterprise. (n.d.). Agribusiness. Retrieved from <https://www.nzte.govt.nz/en/export/market-research/agribusiness/>.

Te Hāponotanga

E ai ki ngā ture o NZQA, nāu anō ngā mahi katoa i whakarite hei aromatawai. E taea ai te mahi me te ako tahi i ētahi atu tāngata hei kohikohi kōrero i ngā puna tautoko huhua. Heoti, me mōhio te Kaiako nāu anō ngā mahi hei aromatawai.

Hei akiaki tonu i te hāponotanga o āu mahi katoa, me whakamahi anō koe i āu ake kupu, ā, me noho mai he āpiti tohutoro i āu puna tautoko. Me he pātai āu, he āwangawanga rānei ou – kōrero atu ki to kaiaromātai/kaiako.

Tirohia te hononga paetuku nei mō ngā whakamahuki:

<https://www.nzqa.govt.nz/providers-partners/assessment-and-moderation-of-standards/assessment-of-standards/generic-resources/authenticity/>

KO TĀ TE ĀKONGA PEPA AROMATAWAI

Ingoa

NSN #

Putanga 1 Whakarite mahere mō te whakatō tipu e ai ki ngā tikanga o te mana whenua.

Tūmahi Aromatawai 1

Te mahere whakatō tipu

Nā runga i te kōrero tahi ki tō whānau, hapū, hapori rānei:

1. kōwhiria e RUA (2) ngā tipu mō te whakatō
2. whakarite mahere mō te whakatō tipu e ai ki ngā herenga a te momo tipu, ki ngā tikanga hoki o te mana whenua.

Me whakamārama atu tō mahere i ngā whāinga e RUA (2), pēnei i te/ngā:

- whakatika oneone
- tāpoko whenua
- whakatō tipu
- rauemi
- matapae.

Me whakamārama atu tō mahere i ngā āhuatanga e RUA (2) o te whenua, pēnei i te/ngā:

- taiao
- mātauranga ā-rohe
- oneone.

Me whakamārama atu tō mahere i ngā wā pai me ngā wāhanga o te tau e tika ana mō te whakatō tipu, pēnei i te/ngā:

- whakamahinga a te maramataka Māori
- whai i ngā tikanga o Matariki

Me whakamārama atu tō mahere i ngā tukanga e RUA (2) pēnei i te/ngā:

- tupuke whenua
- ruirui kākano
- whakawhiti tipu
- whakatupu ā-ringa
- whakatupu ā-mīhini
- whakarārangi tipu
- ahunga.

Me arotake i ngā herenga a ngā tipu, ā, me whakarite mahere anō mō te tiaki i te māra me ngā tipu.

Me whakamārama atu tō mahere i ngā tukanga e RUA (2) mō te māra pēnei i te/ngā:

- taputapu
- kuhu haurehu
- pāmahana
- mahi awakeri.

Me whakaatu tō mahere i ngā kotiti ki te mahere, pēnei i te/ngā:

- huarere
- pakaru, te pūhore rānei a ngā mīhini
- mate haere a ngā tipu.

Whakaatuhia tō mahere ki te whānau, hapū, hapori rānei kia whakaae ai rātou.

Putanga 2 Whakatika mai i te mārā whakatō tipu e ai ki ngā tikanga a te tāngata whenua.

Tūmahi Aromatawai 2

Whakatika mai i te mārā e ai ki ngā herenga a te tipu, ki ngā tikanga a te tāngata whenua.

Ko te aronga o ngā tūmahi aromatawai he mahi ā-ringa, ā-rōpū rānei engari ka aromatawai tonu i āu ake mahi.

Me hauhake, me whakarite i te oneone mō te whakatō tipu, ā, whakamāramahia mai ngā āhutatanga e RUA (2) e whai ake nei:

- te tarutaru kore
- te one-takataka
- te takawai.

Me whakatika i te pārekereke kia puta mai ai ngā tukanga mahi e RUA (2) e whai ake nei:

- te kuhu haurehu
- te pāmahana
- te awakeri.

Me whakarite taputapu hoki e tika ana mō te whakatō tipu.

Putanga 3 Whakamahia te whakatō tipu e ai ki ngā tikanga a te tāngata whenua.

Tūmahi Aromatawai 3

Te tiaki i ngā tipu.

Ko te aronga o te tūmahi aromatawai nei, he mahi ā-ringa, ā-rōpū rānei engari ka aromatawai tonu i āu ake mahi.

Whakamahia te whakatō tipu ME te tiaki māra whakatō tipu mā te/ngā:

- mahere
- ngā herenga a te tipu
- ngā tikanga a te tāngata whenua.

Putanga 4 Arotakengia te whakatō tipu e ai ki ngā tikanga o te mana whenua

Tūmahi Aromatawai 4

Tuhia he pūrongo arotake mō te tukangā whakatō tipu, ā, kōrerohia e ai ki:

- ngā tikanga o te whakatō tipu me ngā tukangā i whakamahia kia puāwai ai ngā tipu
- ngā kotititanga o te mahere i pā mai ki ngā tipu
- ngā āhuatanga o te whakatō tipu hei whakapakari, kia matomato ai ngā tipu
- ngā herenga a te tipu me ngā tikanga o te mana whenua.

He pitopito kōrero:

He pitopito kōrero: